

УШЕШ ШАРНАЛТ ТЫЙ КОДЫНАТ

2023 ий 19 августышто Изи Кушна гыч СВО-н сарзыже Михаил Валериевич Михайловын ўмыржō лугыч кўрылтын. Тудо ты пуламырыште 2022 ий октябрь тылзе гычак лийын. Шкенжым тушто лўддымō салтак семын ончыктен. Тидын нерген пытаргыш корныш ужаташ толшо, пырля служитлыше йолташыже-влакат каласеныт. Миша пенгыде, ўшанле улмыжо дене, эре полыш кидым шуялташ ямде лиймыже дене, неле жапыште йолташыже-влакым умылен моштымыж дене ойыртемаптын, весела койышыжым да илышым аклен моштымыжымат шинчавўдым ўштыл палемдышт. Тиде кўчык жапыште сарзе йолташыже-влак дене Миша ик еш семын илаш тунемын. Шуко икшыван пашаче ешеш шочын-кушшо икымше шочшо илышыжымшке кумылын СВО дене кылден. Изинекак ача деч посна кодшо эрге пōрьенын "нумалтышыжым" паленак кушкын. Садлан аваже, Галина Михай-



лова, тиде ойган уверлан пытаргыш кече марте ўшанен кертын огыл. Валентина пелашыже да 3 икшывыже Мишан спорт

дене пенгыде кылым кучмыж нерген шагал огыл ойлат. Пырдыжыште кечыше ятыр медаль-влакат Мишан писын куржталше да тале ечызе улмыж нерген шарныктат. Шочмо школыштыжо тунемше икшыве-влакымат Михаил Валериевич кертмыж семын спорт деке кумылан ден шоген. Пытаргыш корныш ужаташ ял калык веле огыл, ўрдыж гыч толшат моткоч ятыр лийыныт. Тиде кечын Миша нерген шуко поро мут ойлалтын, моткоч шуко кочо шинчавўд йоген. Михайлов Михаил Валериевич (калык коклаште Мишук але Михон маныт ыле) лишыл йолташыже да пошкудо-влаклан ўмыреш весела кумылан да поро койыш-шоктышан йолташ, тале спортсмен, лўддымō сарзе семын ко деш. Тудын веселан шыргыжалмыже, кумылын пелештен колтымыжо кажне енын шинча ончылныжо сўрегналт ко деш.

Колымекыже, Мишам Патырлык орден дене палемденыт.